

Transkription von Stadtbucheintrag HGW 1496b

Ort, Datierung: Greifswald, 1496-09-21

Signatur: Stadtarchiv Hansestadt Greifswald, Rep. 3 Nr. 19; 42v [\[online\]](#)

Inhalt: Rat der Stadt Greifswald: Rechtseinträge

Bemerkung: Datum des ersten Eintrags

Witlick zy alswem(e) dat berndt b(er)lin hefft tüget vnde warmaket / cont(ra) Jacob Sasszen van desz Buwetes wegen acht(er) Clawe Daneken / zo dat he hadde tho korth ghesnedenn x stendere wol j vóth / vnd(e) de loszholte were(n) vorkeret dat vnderste bouene vnd(e) / dar wer(e)n ock nene hole dar de cleymstaken scholden jnne / staen de zalle benedden was ghehouwen jn schaden Don / de tuge dyth ghetüget hadden leth Jacob sassze de tuge / sunder eede vthgaen testes Pet(er) valkenhaghen Syert / krull Cleüesadell hans Berteld , mest(er) Jurg(en) Ordel vnd(e) recht / gaff Berline jn dem(e) he en den eth tho gaff id scholde/ like stede wesen Acta qu(art)a f(er)ia post Exaltationis sancte Crucis /

Drewes m(ar)cwardt isz myth allem(e) r(e)chte van aller thosprake ententli=/ken ghesleten myth allem(e) r(e)chte zo dyp vnd(e) hoch ene thomas / be(n)nekenhag(e)n vor gherichte beclagede test(es) vlenesadel mest(er) / Jürg(en) Berndt Berlin Acta t(erti)a f(er)ia ev(an)g(elisto) mathej /

witlick zij alswem(e) dat ha(n)s pantzenhagh(e)n heft vp ghebade(n) / in gherichte j swarte(n) froüwen hoÿk vor v m(ar)k min(ner) j s(chilling) rede / lende pe(n)ni(n)ghe vnd(e) wasz ey(n) gastepa(n)t ordel vnd(e) r(e)cht to husz / vnd(e) to haüe myth in bescreue(n) borge(re)n dar na tho merke(n)de vnd(e) / dhon em wath r(e)cht isz tes(es) berndt berlin Berndt mo(n)ster Take / kore Cleüesaddel Acta t(erti)a f(er)ia ev(an)g(elisto) mathej [?] test(es) he(n)nek(e) / smachteshaghe(n) jach(e) Balke Arnd dem(m)in Bartolome(us) ha(n)nema(n) / Jach(e)n balke Ordel vnd(e) r(e)cht dredage wedd(er)kop stunt [?] tho(ma)s / dargu(n)tze vnd(e) vsz myth allem(e) r(e)chte voruolget Acta des(ses) mid-/wekens na mathej /

Witlick stij alswem(e) dat ordel vnd(e) r(e)cht thomas dargu(n)tze(n)¹ heft ghegheue(n) / vor dem(e) sittenden stóll desz radesz kem he So wiszen jn der / szaken jegen zaet(er) valkenhagh(e)n eyne(n) vullekame(n) degedingede(n) / eyde szo Dip vnd(e) hoch dargu(n)tzes worth beclaget he / schall des(ser) vete(n) [?] gantzliken neten vnd(e) forder der nene nothv(m)me liden test(es) claw(es) kotlouw ha(n)s petze Berndt zarnske Acta qu(art)a f(er)ia post ottonis vnd(e) brochten forder we den ende wedderqu(e)me na / der tijdt scholde de vorwillen wesen an de h(er)en v r(ede) guld(en) [?] an de de / gedingeslude v r(ede) guld(en) [?] Acta die valentinij test(es) ha(n)s volhagen

¹ Name über der Zeile eingefügt